



15. februar 2008

**Inatsisartut Suleriaasianni § 36 imm.1 tunngavigalugu Naalakkersuisunut apeqquteqaatit makkua apeqquteqaatiginiarpakka:**

**Puisit amiisa nunanut allanut tunineqartarnerinut atatillugu sulinerup qanoq ingerlanneqartarnera pillugu Naalakkersuisunut apeqquteqaatit**

Ukiup aappa affap ingerlanerani ammit Kalaallit-nunaanneersut paasisitsiniutigineqareersullu kinguneqanngitsumilli (Canadamiut akuupput) Naalakkersuisut maanna paasivaat Demokraatit arlaleriartumik mianersoqqussutigisartagaat tassa: allatut ajornartumik nunarsuarmioqatitta qanoq isumaqarnerat pimoorullugu tigusariaqarparput.

Piniarnermut Aalisarmermullu ungasinngitsunnguakkut Departementchef-itut atorfineqqammer-sup, Amalie Jessen-ip Naalakkersuisut sinnerlugit nalunaarutigaa Tyskland aamma europamiut 100 mio. sinneqartut oqariartuutitsinnut tusaarusunngitsut, tassa matumani qanorluunniit anner-tutigisumik paasisitsiniaagaluarutta, kiisalu oqariartuutigisavut qanorluunniit tusarnersaartigaluarutsigit.

Departemencheffi matumani ilu Moorpoq, tassami suliami matumani misigissutsit aallaavigalugit qanorluunniit oqalukkaluarutta – tassa aamma taamaalluinnarpoq Naalakkersuisut piniarnermut aalisarnermullu tunngatillugu - avammut saqqummiussigaanga misigissutsit taakkorluinnaat saqqummertarnerit taakkuuinnarmata, aamma uangattaaq ilassutiginnarsinnaavara.

Europamiut amerikkarmiullu uumasunik imarmiunik miluumasunik piniarnermut tunngatillugu isumassanik saqqummersoqartillugu misigissutsitik aallaavigisarmatigik, taava uagutsinnut sila-tusaarneruneruvoq taakkua qanittumik oqaloqatiginissaat aallartikkutsigu, uagummi paasinnin-nerput tunngavigigutsigu silatusaassannginnatta. Demokraatit taamatut isumaqarput.

Naalakkersuisut nammineq isarussaminnit isigalutik silarsuarmik isiginnippata, taava ajorna-viannigitsunik eqqarsarnej Demokraatit tungaanniit arlaleriartumik mianersoqqussutigineqartar-nikuuvoq.

Maannalu Naalakkersuisut kukkusumik periuseqarlutik paasisitsiniaanerisa kingunerisaanik ka-laallit puisaasa amiinik avammut nioqquteqartarnej maangaannartilivippaat. Tamatuma kingu-nissai takusinnaalereerpavut politikikkiknullu taamatut pissusilersornerput ugguaatigaarput. Ani-ngaasatigulli kingunissaanik malugisassatsinnik tamakkua annikinniararsuupput. Tamanna ma-luginiartariaqarpoq!

Tamanna pillugu suliaqarnermut tunngatillugu - kingumut – apeqqutigiumasakka makkua tigu-neriniit ullut 10-t qangiutsinnagit Naalakkersuisunit akissuteqarfigineqarnissaat kissaatigaara.

1. Nunarsuarmioqatitta pisuussutinik uumassusilinnik ingerlatsinerput pillugu apeqquteqarneri-nut Naalakkersuisut qanoq isummissamaarpat?
2. Puisit amiinik avammut tunioraanermit qulakkeerinneqinnissamut tunngatillugu Naalakker-suisut qanoq iliussamaarpat?

3. Pisimasumut alianartumut, tassa Naalakkersuisut puisit amii pillugit suliaqarnermik taama pikkorliuuteqartiginerisa kingunerisaamik pingaartumik nunaqarfinni isorliunerusunilu piniartut taakkualu ilaqutaasa ajornartorsiulernerannik kinguneqarneranut aaqqiiniarlutik Naalakkersuisut qanoq iliuuseqassamaarpat?
4. Puisit amii pillugit suliap matuma taamatut inississimanerta kingunerisaamik Naalakkersuisut nutaamik eqqarsalersissimannginnerlugit, imaluunniit Naalakkersuisut isumaqartuarnerlutik taamatut inissikkiartornermi nunani allamiut puisinniarnermut tunngatillugu paasisimasakippallaarnerannik tunngaveqartoq?
5. Naalakkersuisut isumaqarnerlutik sulianut allanut tunngatillugu taamatut ilisoqaqqueratarsinnaanerit aarlerinartutut nalilertariartoq?

Inussiarnersumik inuulluaqqusilluta  
Jens B. Frederiksen  
Inatsisartunut ilaasortaq, Demokraatit